



Synfocity = 1004

mail us at : mzsynfo@gmail.com; mizoramsynod@gmail.com - Phone - 2314648

September 25, 2025

- ❑ **Synod Executive Committee (SEC) vawi 314-na an ðhu**
September 24-25, 2025 chung hian Synod Executive Committee (SEC) vawi 314-na chu J.M. Lloyd Hall, Synod Office-ah an ðhu.
Meeting hi Rev. R.C. Lalngakliana, Synod Moderator-in a kaihrui a, Upa Vanlalsawma Siakeng, Synod Secretary-in report a pe a, Rev. Dr. K. Lallawmzuala, Finance Officer-in report a pe bawk.
Secretary report-ah hian P.C. Wales General Assembly hmanpuia Synod Moderator, Rev. R.C. Lalngakliana leh Rev. V.L. Luaia Hranleh, Senior Executive Secretary te an kal thu te, MUHCS chungchanga Sawrkar hotute leh Synod OM te inkawm hona an neih thu te, Aizawl Theological College results chungchang te, Thawktu lak thar chungchang te, Tripura Synod kuta School pahnih hlan chungchang te, Guwahati Synod House hawn chungchang te, Synod Telephone Directory 2025 tlangzarh a nih thu te leh Kohhran Dinnghehna leh indanna pek thu te tarlan a ni.
Tun ðumah hian thurel tura chhawpchuah 41 a awm a, chung zingah chuan - BSI, Aizawl Auxiliary Chief Translator chungchang te, Kohhran leh a hnuiaia Sub-Committee te minute ziah dan tur inang tlang hman chungchang te, MKHC-a tel zel dan tur chungchang te, Medical insurance chungchang te, Central KTP Hruaitu ruat dan chungchang te, Ruihhlo ti ve lote chungchanga Synod Social Front rawtna te, FG&CC Counselling Centre hawn belh chungchang te, PCI Dan Bu Mittel hawrawp (Braille Alphabet)-a print chungchang te leh MUHCS (Mizoram Universal Health Care Scheme) chungchang te chu a langsar zualte an ni.
- ❑ **Council of Churches in Mizoram Executive Committee**
September 18, 2025 (Ningani) khan BCM Headquarters Office, Serkawn-ah Council of Churches in Mizoram (CCM) Executive Committee vawi 3-na neih a ni.
Meeting hi Rev. Dr. R. Lalbiakliana, President-in a kai hruai a, Rev. Dr. Lalhmangaih, General Secretary-in report tlangpui a pe. Report-ah hian society registration chungchangte, working committee hmalakna te, CCM Inkhawmpui thlengtutur ruat chungchangte leh publicity chungchangte ngaihthlak a ni.
Meeting-ah hian CCM Office building sakna tur CCM special budget siam chungchang-te, ram pum huap programme siam chungchangte, CCM Women Assembly leh CCM Youth Assembly din chungchangte rel niin, working committee kutah dah ni se tih a ni. CCM in ruihhlo do kawngah hmalak ni se, hmalak dan tur hi working committee-in ruahmanna lo siam se, executive committee-ah en nawn leh ni se tih a ni. Heng bakah hian CCM Assembly Inkhawmpui vawi hnihna, October Pathianni hnukung ber, 2026-a neih tur chu BCM-in dawl se tih a ni bawk.
Council of Churches in Mizoram (CCM) hi October 27, 2024 (Pathianni) khân Mission Veng Kohhran Biak Inah din a ni a. Tuna member ni laite :
1) Mizoram Presbyterian Kohhran, 2) Baptist Church of Mizoram, 3) Evangelical Church of Maraland, 4) Lairam Isua Krista Baptist Kohhran, 5) Evangelical Free Church of India, 6) Isua Krista Kohhran Bualpui, 7) Independent Church of India, 8) Wesleyan Methodist Church of Mizoram, 9) Zomi Baptist Church
- ❑ **Kohhran Ni pawimawh - Nu leh Pa Ni leh Kristian Chhungkaw Ni**
September 28 (Pathianni) hi Special programme 'Nu leh Pa Ni leh Kristian Chhungkaw Ni' a ni a, chawhnu leh zannah hman a ni ang a, chawhnuah "Nu leh Pa Ni" programme hman a ni ang a, '**Nu leh pate zirtirna zawm**' tih thupui zir a ni ang a, zannah "Kristian Chhungkaw Ni" programme hman a ni ang a, '**Pathian chu lei leh vana chhungkaw tinreng hming chawi chhan a ni**' tih thupui zir ho a ni ang.
Beihrual programme hi September 1 aþangin hman ðan a ni a, Beihrual chung hian Ramthar Hapta leh Kristian Chhungkaw Hapta bakah kohhran inpumkhatma chungchang zir a ni.
Kum 2000 Synod Inkhawmpui chuan September Pathianni hnukung ber hi Kristian Chhungkaw Ni atan hman ni se, a tih angin kum 2002 aþangin hman ðan a ni a. Kum 2011 Synod Inkhawmpui chuan Nu leh Pa Ni hman a rel leh a. Kan kohhran hian ni pawimawh kan neih tam deuh tak avangin ni khata hman mai ða tih a ni a, chumi ang chuan kum 2013 aþangin Kristian Chhungkaw Ni leh Nu leh Pa Ni chu Pathianni ðum khatah hman a ni ta a ni.

- ❑ **Mizoram Christian College (MCC)**
September 15 - 19, 2025 chung khan College Week vawi 5-na an hmang a. College Week hi hmun hrang hrang - Vaivakawn Cultural Centre/Auditorium, Electric Veng Indoor Stadium, Armed Veng Community Centre, Chite Football Ground leh Dawrpui Multipurpose Hall-ah te an hmang a, zirlaite chuan Indoor leh Outdoor Sports Discipline hrang hrang hmangin intihsiakna an nei a ni. College Miss leh Mister thlanna pawh neih a ni a, Miss MCC 2025 atan Lalremsangi, 1st Semester, Department of English chu thlan a ni a; Mister MCC 2025 atan Lalremzauva, 1st Semester, Department of Management chu thlan a ni bawk.
- ❑ **Worship**
September 26-28, 2025 chung hian Dimapur, Nagaland-ah Music Training neihpui turin Tv. H. Lalthazuala, Music Instructor a kal.
- ❑ **Social Front**
September 27-28, 2025 chung hian Bulfekzawl Kohhranah Moral Reforms, Seminar leh Awareness Campaign nei turin campaigner-te, Upa H. Lalhmingmawia leh Upa P.C. Lalrinawma te an kal ang.
- ❑ **Finance**
September 27, 2025 (Inrinni) hian West Phaileng Bialah Sum Vawn Dan Training neihpui turin thawktute, T.Upa R. Lalbiakdika leh Pu Lalhruaizela Ralte te an kal ang.
- ❑ **SL&PB**
September 27, 2025 (Inrinni) hian Falkawn Hmar Veng Kohhranah Literature Seminar/Campaign nei turin Rev. Dr. K. Lallawmzuala, Executive Secretary leh Pu Lalremmawia, O/A te an kal ang.
- ❑ **Kohhran Hmeichhia**
September 27, 2025 (Inrinni) hian Melriat Bialah Leadership Training neihpui turin Pi K. Vanlalrawni, Chairman leh Pi P.C. Lalmalsawmi, committee member-te an kal ang.
- ❑ **FM Zoawi - Aizawl & Lunglei : Hruaina Eng Radio Programme**
September 26, 2025 (Zirtawpni) @ 7:30 p.m. :
Solo : Esther Lalmuanpuii - I fak ang u
Zaipawl : Kahrawt Bial Zaipawl - Chanchin Tha
Thusawi : Upa Vanlalchhunga - Keimah vang a ni
Solo : Jennifer Lalremruati - Nang chauh Lalpa
Zaipawl : Dawrpui Bial Zaipawl - Lawmna thuruk Isua
- ❑ **Hruaina Eng TV Programme**
25.9.2025 (Ningani) 08:30 pm : Thupui zir bing
26.9.2025 (Zirtawpni) 05:00 pm : Kristian Naupang Pual
27.9.2025 (Inrinni) 05:30 pm : Puitling Sunday School Zirlai
28.9.2025 (Pathianni) 07:00 am : Sermon - Rev. P.C. Lalropuia
08:00 am : Weekly round up
30.9.2025 (Thawhlejni) 06:00 pm : Nilaini zan thupui
08:30 pm : Kohhran Chanchin - Chawlhmun Kohhran
- ❑ **Moderator leh Executive Secretary-te Programme:**
Rev. R.C. Lalnghakliana : Moderator
Sept. 27-28, 2025 Hnahlan Bial
Sept. 30, 2025 Ramthar BEC leh Central KTP Committee
Oct. 1, 2025 Hospital BEC
Oct. 2, 2025 MTC Governing Board
Oct. 3-9, 2025 Kohhran tlawh - Mumbai leh Goa
Rev. V.L. Luaia Hranleh : Senior Executive Secretary
Sept. 26, 2025 Meeting with US Consule General
Sept. 28, 2025 Ramhlun Vengthar Kohhran (Chawhnu leh Zan)
Sept. 29, 2025 Service Rules & RR Enthatu Sub Committee
Oct. 3-5, 2025 Bangalore Kohhran indan programme

Rev. Dr. K. Lallawmzuala : Executive Secretary

Sept. 26, 2025	Central Kohhran Hmeichhe Committee
Sept. 27, 2025	Literature Seminar - Falkawn Hmar Veng Kohhran
Sept. 28, 2025	Maubawk West Kohhran (Chawhnu leh Zan)
Sept. 29, 2025	PRESCOM Executive Committee
Oct. 1, 2025	Hospital BEC
Oct. 3, 2025	Khualchhawn Sub Committee
Oct. 4-5, 2025	FG&CC programme - Tlungvel Bial

Rev. Dr. Rosiamliana Tochwawng : Executive Secretary

Sept. 26, 2025	Campus Ministry Committee
Sept. 30, 2025	Ramthar BEC
Oct. 1, 2025	Kristian Hlabu Ennawn Committee
Oct. 2, 2025	MTC Governing Board
Oct. 2-5, 2025	PYF Biennial Conference

RAWNGBAWL HNA DIL THEIH

Synod Revival Committee chuan kum 2026-2028 (kum hnih) chhung thawk tur Synod Revival Speaker mi 60 a la leh dawn a. Dil duh te tana hriat tur:

Form lak chhuah tan ni	: October 6, 2025
Form thehluk hun tawp	: November 21, 2025
Interview hun	: December 3, 2025
Dil thei chin	: Mizoram Presbyterian Kohhran mi, kum 30 leh 60 inkar
Form lak chhuah & thehlukna hmun	: Revival Department, Synod Office
Beisei dangte	: 1. Tualchhung Kohhrana thuhritlu emaw kohhranin thuhriila a rawih thin 2. Zuk leh hmuam a filhim 3. Presbyterian Bible School-a zir chhuak 4. Kohhran inkhawm ngai pawimawh leh Revival rawngbawlinaa lo tel tawh thin

Sd/-

Rev. V.L. Luaia Hranleh
Senior Executive Secretary
i/c Revival, etc.
Mizoram Presbyterian Kohhran

ADVERTISEMENT

Mizoram Presbyterian Kohhran Hmeichhiate enkawl Women Centre, Phunchawng-ah kum 2026 chhung atan Puanthui zir duh, Presbyterian Kohhran dan chhunga awm tan dil theih a ni e. Puanthui zir tur hi mi 50 lak tur a ni ang a, kum khat chhung zir tur a ni.

Dilna Form chu Kohhran Hmeichhe Department, Synod Office-ah lam theih a ni ang.

Dil theih hun chhung	- 13.11.2025 thleng
Interview	- 17.11.2025, @ 10:30 am atangin
A hmun	- Committee Room I, Synod Office
Online-a dilna thawna tur	- 9233437689

Sd/-

Rev. Dr. K. Lallawmzuala
Executive Secretary i/c Kohhran Hmeichhia

MISSIONARY TRAINING COLLEGE (MTC) HRIATTIRNA

Missionary Training College (MTC), Mission Vengthlang-ah Bachelor of Missiology (B.Miss) zir duh tan dil theih a ni leh ta. Dilna Form leh Prospectus hi Rs. 50/- in office hun chungin MTC Office-ah ni 1 October, 2025 atangin lak chhuah theih a ni e. Application Form hi MTC website: <https://www.mtc.edu.in>- ah download theih a ni bawk ang.

Dil thei chin : CI- XII pass chin

Dilna theh luh hun hnuhnung : Ni 27 February, 2026 (Friday)

Entrance Test : Ni 10 March, 2026 (Tuesday); 9:30 A.M @ MTC, Mission Vengthlang

Interview : Ni 12 March, 2026 (Thursday); 10:30 A.M

@ Committee Room I, Synod Office, Mission Veng

Sd/-

Rev. Dr. C. Lalramchhana

Principal

Missionary Training College

Mission Vengthlang

Ph. No. : 9818719321/9612164982

SYNOD BOOKROOM LEHKHABU CHHUAK THAR - AUGUST, 2025

1.	Hmun khawharah Pathian : <i>F. Vanlalrochana</i>	Rs. 350/-
2.	Orion Chhohreivung: <i>Joseph Kimkima Fanchun</i>	Rs. 200/-
3.	Zai hla : <i>Lalrinzauva Sailo</i>	Rs. 450/-
4.	Lemchan Thawnthu Zir Chianna : <i>K. C. Vannghaka</i>	Rs. 200/-
5.	Magdalene 1 - 4 : <i>Magdalene Missionary Society</i>	Rs. 200/-
6.	Tapchhak Theory : <i>C. Lalawmpuia Vanchiau</i>	Rs. 250/-
7.	Inngaizawng Lo Innei : <i>Col. Lalrawnlina</i>	Rs. 150/-
8.	Zoram mi leh thil hmingthangte leh Mizo Sakhua : <i>Rev. Liangkhaia</i>	Rs. 150/-
9.	Literature Kawngpui : <i>Dr. K.C. Vannghaka</i>	Rs. 400/-
10.	Zawhna 74 chhanna : <i>Synod Literature & Publication Board</i>	Rs. 80/-
11.	Lungsam Par : <i>Adelina C. Zoramthari (Adela)</i>	Rs. 150/-
12.	Mizo Thawnthu : <i>Lalrinmawii Fanai</i>	Rs. 300/-



www.mizoramsynod.org

Synod Information & Publicity
Phone - 2314648

Synfo

YouTube channel: Synod Information